



## ҚАРОР

2002 йил "23" сентябр

№ 256-Қ

**«Шахарлараро алоқа корхонаси» акционерлик жамиятига шиша толали алоқа узатиш тармоғини лойихалаш ва қуриш учун вақтинча фойдаланишга ер майдони танлаш ҳамда ажратиш ҳақида**

Ўзбекистон Республикаси Вазирлар Маҳкамасининг 1999 йил 6 июлдаги 331-сонли «Ўзбекистон Республикасида телекоммуникацион тизимни ривожлантириш учун Япония чет эл иқтисодий ҳамкорлик фонди (ОЕСФ)нинг имтиёзли кредитини ишлатиш чоралари тўғрисида»ги қарорининг ижросини таъминлаш мақсадида ҳамда Оқдарё, Каттақўрғон, Нарпай, Пастдарғом, Иштихон ва Самарқанд туманлари ҳокимларининг қабул қилган қарорларини инобатга олиб

### ҚАРОР ҚИЛАМАН:

1. «Шахарлараро алоқа корхонаси» акционерлик жамиятига шиша толали алоқа узатиш тармоғини қурилиши учун вақтинча фойдаланишга ер майдони танлаш ва ажратиш ҳақидаги Оқдарё тумани ҳокимининг 2002 йил 24 июндаги 222-қ рақамли, Каттақўрғон тумани ҳокимининг 2002 йил 12 июлдаги 329-қ рақамли, Нарпай тумани ҳокимининг 2002 йил 17 июлдаги 614-қ рақамли, Пастдарғом тумани ҳокимининг 2002 йил 15 июлдаги 321-қ рақамли, Иштихон тумани ҳокимининг 2002 йил 4 июлдаги 357-қ рақамли, Самарқанд тумани ҳокимининг 2002 йил 30 июлдаги 356-қ рақамли қарорлари иловага мувофиқ тасдиқлансин.

2. Шиша толали алоқа узатиш тармоғи қурилиши жараёнида қишлоқ хўжалик корхоналарига етказилган ишлаб чиқариш зарарлари «Шахарлараро алоқа корхонаси» акционерлик жамияти томонидан хўжаликларга тўлаб берилиши назарда тутилсин.

3. Белгилаб қўйилсинки, қурилиш ишлари тугатилгандан сўнг «Шахарлараро алоқа корхонаси» акционерлик жамияти вақтинча фойдаланишга ажратилган ерларни ва бузилган инженерлик коммуникацияларини қайта тиклаши (рекультивация қилиш) шарт.

4. Ушбу қарорнинг бажарилишини назорат қилиш вилоят ҳокимининг биринчи ўринбосари вазифасини бажарувчи М.Хашимов ва вилоят ҳокимининг индустрияни ривожлантириш, қурилиш ва коммуникация масалалари бўйича ўринбосари котибияти мудир Т.Мамадалиев зиммаларига юклансин.

Вилоят ҳокими



Ш.Мирзиёев